

Zeitschrift: Historischer Kalender, oder, Der hinkende Bot
Band: 272 (1999)

Artikel: Bärner Platte
Autor: Beck, Alfred
DOI: <https://doi.org/10.5169/seals-656392>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 27.04.2025

ETH-Bibliothek Zürich, E-Periodica, <https://www.e-periodica.ch>

Bärner Platte

Schneebärger's sy hüt wider einisch an ere Grebt ghocket. Hüür scho a der dritte, u derby isch es ersch Meie gsi. Im «Chrüz» z Vechige. Der tüür Verstorbnig isch ne zwar so wyt wäg verwandt gsi, dass me chuüm meh vo Verwandtschaft het chönne rede. Weder das het Schneebärger's nüüt gstört. We si nume d Bei hei chönnen unger ne Wirtshuustisch strecke u i sech yneschufle, dass d Schwarte chrache. Dass me derwäge eim oder zwöi Dotze Lüt, wo me chuüm rächt oder überhaupt nid kennt, mues d Hang schüttle u mit emne truurige, aber treuhärzige Ougenufschlag öppis vo Byleid hüüchlet, cha me unger dene Umständ ganz guet i Chouf näh.

Di beide hei zmingscht scho di zwöiti oder dritti Tällere, u de nid öppe chlyni, i sech yne geschoppet gha, u der Schweiss isch ne i dicke Tröpf uf de Stirne gstange. Weder wen es Bärner

Platte git, de lohnt es sech scho, chly ynezlige. Weniger wäge de Bohne u de Händöpfle, derfür umso meh wäg em Gröikte, em Späck u de Würscht.

Aber einisch het o der grösch Frässsack gnue u bringt nüüt meh abe. Mit emne unerchannt länge Blick uf d Platte, won es geng no ordeli Ruschtig druffe het gha – d Wirti het geng für Nachschueb gsorget –, het d Frou Schneebärger zu ihrem Maa gseit:

«Es isch mytüüri schad für das Züüg, wo me mues la sy. Aber i ma weiss Gott nümme!»

Schneebärger het o pyschtet: «Es geit mer o so. Aber es reut mi unerchannt!»

«We me numen öppis chönnt heinäh – das gäbti no es par währschafti Mittagässe.» D Frou Schneebärger het wehlydig uf das Fleisch gluegt.

«Ja», het är umeggä. «Nume geit das nid guet – was würde o di angere säge...»

Ungereinisch isch ihm e Gedanke dür e Chopf gschosse. Hei-näh! Natürlich cha me das. Me mues nume wüsse, wie aagattige. Er het sy Frou gmüpft: «Nimm no einisch use. Aber ghörig! U möglichschtsch nume Fleisch. U nachhär laasch mi la mache. I weiss, wi mir di Ruschtig chönne heinäh, ohni dass öpper öppis derwider cha ha!»

Sy Frou het ne nume läng aagluet, d Achsle glüpft u du ihres Täller wider gfüllt. O der Schneebärger het no einisch e ghöregi Ladig usegno. Nume Fleisch.



Bärengaben-Kreisel geschmückt

Nach etlichen umstrittenen kreativen Versuchen wird dieser Kreisel zur Zeit mit schönsten Blumen verziert.

(Foto: Hansueli Trachsel, Bern)

Nachhär het er zum Exgüsee chly dert dranne umegschnäflet un es Bitzeli i ds Muu gschoppet. U wo d Serviertochter wider hinger ihm düregloffen isch, het er se zuehegrüeft u mit emne vertrauleche Lächle gmeint: «Loset einisch – mir möge das Fleisch nümme. Würdet Dir üüs das ypacke? I wett's heinääh für üse Hung. – Es isch ja einewäg zalt.»

D Serviertochter het zersch chly erstuunet gluegt u ddänkt, es gäb scho afen allergattig Lüt – weder zletschamänd chönni das ihre ja glych sy. Si het di beide Täller gno u isch dermit i der Chuchi verschwunde.

Jitz isch d Frou Schneebürger ersch nachecho. Mit emne schreege Lächle het si lyslig zu ihrem Maa gmeint: «Was dir ömu o geng i Sinn chunnt! I ha gar nid gwüsst, dass mir e Hung hei. Weder di Idee isch nid schlächt. Für di nächschte Tage hei mer ömu de Fleisch gnue!»

Es isch es Chehrli ggange, u du isch d Wirti grad sälber derhärcho. Si het em Schneebürger es ghörigs Pack, zmingscht so gross wi ne Vierpfünder u i ne Zytig yglyret, uf e Tisch gleit u gseit: «I han Ech da grad chly meh. Es het no Gchröös, Lungen un es paar Chnoche derby. Vilecht nümme grad bsungers früsch. Es rächelet afen e chly.»

Schneebürgers hei d Wirti mit offene Müller verdatteret aagluagt. «He ja», het die gmeint, «üse Bläss het i de letschte Tage nid rächt möge frässe, u drum han i das, wo no i sym Frässgschir isch gsi, o no grad derzue ta. Weder eue Hung het sicher Freud dranne!»

Aus «Der Batzechlemmer» (Cosmos Verlag)



Swatch-Mobil

Das in einem Berner Warenhaus erstmals ausgestellte Kleinauto stösst auf grosses Interesse. Das Swatch-Mobil «Smart» soll ab Herbst 1998 in den Handel kommen. (Foto: Hansueli Trachsel, Bern)

HUMOR

«Woran denkst du, Geliebte?»
 «An nichts Besonderes.»
 «Denk' doch an mich.»
 «Das tu ich ja.»

Verkehrskontrolle. – Aufmerksam prüft der Polizist die Pneus des Autos der hübschen Fahrerin.

«Mein Fräulein», sagt er nach einer Weile, «Sie haben aber ein sehr schlechtes Profil».

«Sie müssen reden», faucht die Autofahrerin zurück. «Meinen Sie, dass Sie eine Schönheit sind?»

Ferdinand holt sich in der Drogerie sechs Schachteln Mottenkugeln. Der Drogist wundert sich. «Sie brauchen aber eine Menge von diesem Zeug. Sie haben doch erst gestern zehn Schachteln geholt.»

«Was glauben Sie,» meint Ferdinand, «wie schwer man diese Biester trifft.»